

INUIT ATAQATIGIIT

INATSISARTUNI



UKA 2013/64
7. november 2013
Ove Karl Berthelsen

Soraarnerussutisiaqarluni ukiut angunerini annertuumik innarluutillit ikiorserneqarnissaat pillugu maleruagassat tunngavigalugit pisinnaatitaaffiisa annaaneqannginnissaanut isumannaarinninnissamut, Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartuni ilaasortaq Agathe Fontain, Inuit Ataqatigiit)

Inatsisartunut ilaasortaq Agathe Fontain, Inuit Ataqatigiit, siunnersuuteqarpoq inuit annertuumik innarluutillit ikiorserneqarnissaat pillugu maleruagassat tunngavigalugit pisinnatitaaffiisa ukiut 65-it angunerini annaaneqannginnissaannut isumannaarinninnissamut Naalakkersuisut peqquneqassassut.

Inuit timikkut tarnikkullu innarluuteqalersimasut nakorsamiit nalilliiffigineqareermikkut annertuumik innaarluutillit ikiorserneqartarnerat pillugu Inatsisartut peqqussutat nr. 7, 3. november 1994-meersoq, kingusinnerusukkullu allannguuteqartarsimasup ataani aalajangersakkat malillugit ikiorserneqartarput.

Inatsit pineqartuq aqqutigalugu qulakkerniarneqartarpoq timikkut tarnikkullu innarluutillit pisinnaasaqassusertik naapertorlugu sapinngisamik inuunerminni atugassarisamikkut allatuulli nalinginnaasumik qanittumik inuuneqartinneqarsinnaanerat qulakkeerneqartarluni.

Siunnersuummi angunniarneqarpoq inuiaqatigut timikkut tarnikkullu innarluutillit utoqqalinerminni sumi najugaqarnertik apeqqutaatinnagu assigiimmik atugassaqartinneqarnissaannut peqqussummik aallaavilimmik ikiorserneqartarnissaannut qulakkeerinninnissaq.

Pissutsit uttoqqalinersiaqalernerme atuutinneqartartut nunami sumi najugaqarneq tunngavigalugu aammalu kommuunerisap qanoq aningaasatigut inissisimanagera aallaavigalugit tapinut inissiisarnerup assigiinngissuteqartarnera piviusuuvoq.

Naalakkersuisuit akissutiminni itigatitsinissamut siunnersuuteqarnerat paasiuminatsipparput, tassami siunnersuut sorspassuarnut tapitartuutinnikkaluarlugu iluarsisuteqarfigineqarsinnaasutut nalileratsigu.

Inuit Ataqatigiit tunngaviummik inuiaqativut timikkut tarnikkullu innarluuteqarnertik pissutigalugu pitsaanerpaamik pisortanit ikiorsiissuteqartarnikkut assigiimmik peqqussummik aallaavilimmik atugassaqartinneqarnissaat pingaartipparput tamannalu tunngavigalugu inatsisartunut ilaasortap Agathe Fontain-ip siunnersuuta Inuit Aqatigiinniit tamakkiisumik taparserparput.

Taamatut oqaseqarluta Inatsisartut Ilaqutariinnermut Ataatsimiititaliaani nalilersorneqarlunilu suliarineqarnissaa inassutigaarput.